

佛說逝童子經

西晉沙門支法度譯



南無本師釋迦牟尼佛


說明

本繁體校正版《佛說逝童子經》電子書，根據《乾隆大藏經》大乘五大部外重譯經，第 0225 部，西晉沙門支法度譯《佛說逝童子經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年二月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

淨口業真言

(三編)

唵. 修唎. 修唎. 摩訶修唎. 修修唎. 薩婆訶.

淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

普供養真言

(三編)

唵. 誡誡曩. 三婆嚩. 禡日囉斛.

南無本師釋迦牟尼佛（合掌三稱）

開經偈

（一編）

無上甚深微妙法 百千萬劫難遭遇
我今見聞得受持 願解如來真實義

佛說逝童子經

西晉沙門支法度譯¹

聞如是：

一時，佛在羅閱祇耆闍崛山中。

平旦，從諸比丘，被袈裟，持應器，入城分衛。佛行向富迦羅越門，富迦羅越有子，年十六，名曰逝，時在第三門內遙見佛來，身有奇相，容貌端正，心意安靜，諸根寂寞，項中光出，影耀絕殊²，焰³明熾盛，若日之淨月盛滿時，悉照門內。

逝見佛如是，心中歡喜，肅然而驚⁴，便趨⁵上堂，為母說偈言：

金光色百餘	此希 ⁶ 所見聞
今來住在外	當給其所求
威儀過梵王	光顏殊諸天
哀我故來耳	願以持與之

其母聞逝言，即告曰：「如汝所稱者，其人

¹ 大正藏：西晉沙門支法度譯

² 大正藏：殊絕；永樂北藏及龍藏：絕殊

³ 大正藏：炎

⁴ 大正藏：敬

⁵ 大正藏：趨

⁶ 大正藏：希此；永樂北藏及龍藏：此希

豈貧窮？何為當乞兒耶？一何惑哉！今所言者，殊不合義。」

爾時，佛便以神足現化，放身光明，徹照七重門內，盡為大明。逝感佛威神，復為母說偈言：

譬如人見火 端自投其中
不善向佛者 自賊亦如是
天人中獨尊 至聖無復上
是最可供養 施必得大利
今所有食分 願取用與我
欲以奉上尊 此歡難常值

其母即以所有好衣及食具與逝，逝持出詣佛所，以頭面著地，為佛作禮，却住一面，叉手白佛言：「今我見如來，虛⁷心恭敬注意於佛，惟以加哀受己所施。」

佛應時受之，為逝說偈言：

汝以伏慳意 能善修治施
今日供養佛 所念莫不吉

逝聞佛所語，即自說偈言：

我不願富貴 亦弗望釋梵
但願最智慧 如佛而無上

爾時，天帝釋下立逝前，說偈言：

⁷ 大正藏：虔

纔用一布施 欲求佛者難
道常世世施 積若須彌寶
經歷千億劫 恒行慈愛心
不可以一施 得覺無上道

逝即答天帝釋，說偈言：

譬如大工匠 欲伐巨木者
獲⁸不一下斧 便以斷大樹
斧斫稍以漸 可盡大⁹山木
行¹⁰業從微得 求道亦如是
明不用一施 而得成大道
我有信精進 必為世間將

天帝釋復為逝說偈言：

不如求尊天 釋梵易可得
尠能應佛法 佛道甚難得

逝答天帝釋，說偈言：

設使一天下 滿中火洞然
吾以身遍投 終不捨佛意
假令一切人 皆共賊害我
願常慈心向 終不廢大道
脆哉釋梵天 彼皆為死法

⁸ 大正藏：猶

⁹ 大正藏：太

¹⁰ 大正藏：剝

願歸一切智 勇若師子雄

天帝釋復為逝說一偈言：

快哉得善利 乃有敬在佛

專精向大道 想汝必作佛

逝答天帝釋，說偈言：

天王且勿疑 於斯無上道

精進吾匪懈 會於世為佛

於是，天帝釋默然。

時，佛為逝說偈言：

汝已於往世 敬事八千佛

心常願大道 欲得安群生

後十二億劫 終不墮惡道

但多修德善 恒以興尊意

汝當百億返 作王遮迦越

亦為四天王 每輒行正法

又當為帝釋 未嘗¹¹遠梵行

後生兜率¹²天 然則道德成

當居千國界 中央得作佛

名曰須彌劫 一切莫不事

千國各橫廣 四百八十里

¹¹ 大正藏：常

¹² 大正藏：術

宮牆之嚴飾 一切皆以寶
初會說法時 六十千億人
為弟子得度 皆得阿羅漢
再會說法¹³時 四十千億人
皆入羅漢慧 所度為甚眾
三會說法¹⁴時 所度甚眾多
離垢入淨慧 悉得無所著
是時佛剎中 無有亂惡眾
皆悉向道法 一切行忠直
疾病之憂苦 都已無是死¹⁵
時人皆和睦 展轉相念安
天日三時雨 裁已淹¹⁶土塵
寒暑常調適 度人若干種
族姓之男女 若欲興善意
敬愛於佛者 供養當如此
吾今敷演是 菩薩所當行
面於正覺前 即得佛慧眼
諸佛無有數 經法不可盡
若以無數敬 福報亦無量

佛說是決已，迦羅越子逝、天帝釋，及諸比

¹³ 大正藏：經

¹⁴ 大正藏：經

¹⁵ 大正藏：鬼

¹⁶ 大正藏：纔足掩；永樂北藏及龍藏：裁已淹

丘，聞經歡喜，皆前為佛作禮而去。

佛說逝童子經¹⁷

¹⁷ 大正藏：逝童子經

● 結誦儀

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫迦囉
嚩吽

南無佛 南無法 南無僧 (合掌三稱)

南無本師釋迦牟尼佛 (合掌三稱)

南無觀自在菩薩摩訶薩 (合掌三稱)

南無護法諸天菩薩 (合掌三稱)

禮佛發願文

(一編)

歸命十方調御師 演揚清淨微妙法
三乘四果解脫僧 願賜慈悲哀攝受

但(某甲)自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。著我耽人，舉枉措直。累生業障，一切愆尤。仰三寶以慈悲，瀝一心而懺悔。

所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威儀，蝸飛無損。不逢八難，不缺四緣。般若智以現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普

賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉疴；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

迴向偈

(一編)

願以此功德	莊嚴佛淨土
上報四重恩	下濟三途苦
若有見聞者	悉發菩提心
盡此一報身	同生極樂國

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。



此咒置經書中可滅誤跨之罪

南无护法韦驮尊天菩萨

